

四方四極已得道大聖眾至真諸君丈人焉  
 祈原赦齋主某前生今世浩劫以來積行所  
 犯生死宿對无極罪報因今燒香散花建齋  
 行道願賜玄澤咸與蕩除伏冀八景凝芒五  
 靈散彩青華定籙黑鬱消愆南丹書不老之  
 名西圖紀長生之宇萬祥赫奕四序熙和度  
 命運之妖邪蕩身家之厄難九玄七祖汎景  
 碧霄五族六親怡神紫炁福地之春秋益固  
 壺天之日月長闕寰海無塵黔黎有權闢幽  
 陰而不夜五道仙飛融覆載以如春群生遂  
 性懺謝之後昇入無形和與道合真

靈寶領教濟度金書卷之一百八十二

靈寶領教濟度金書卷之一百八十三四十四

洞微高士開元收普真人審金真授  
 靈寶通玄弘教水南先生林靈真編

科儀立成品齊用  
 謝恩設醮儀

灑淨  
 各禮師存念如法  
 宣衛靈呪

五章建節靈光持戈監兵東效執明收魔  
 黃中總治勾陳騰蛇真鎮五方掃穢除邪  
 金童耀煙玉女散花炁凝日彩神瑩月華  
 藥珠虛白妙道槐栽靈寶混合神象森羅  
 衆真監舉世為仙家與道合真  
 鳴法鼓二十四通

無上三天玄元始三炁太上老君召出自身  
 中三五功曹左右官使者侍香金童傳言散  
 花玉女五帝直符直日香官各三十二人出  
 出者嚴裝顯服冠帶垂纓關啓玄壇天帝神  
 君當召此間土地方域神真且今陞壇設醮  
 祭酒焚香謹為入意其諸情悃具載誠願

得  
 太上十方正真生炁下降流入自身中令且  
 所落達達徑御  
 太上無極大道  
 三清上聖

昊天玉皇上帝為首  
 請稱法位

具位奉行靈寶自然三獻祭酒法事小兆臣  
 某與臨壇官衆等謹同誠上啓  
 聖位臣聞混芒先天地而生虛無祖炁剖判  
 後乾坤而運流演元網敷太初太始之根著  
 成象成形之化開明三景煥經緯以周旋迴  
 度五常運樞機而橐籥首出庶揚妙總三才  
 清微控御於紀綱玄都財成於政令握權衡  
 以臨下執外陶鑄唱恭奉以受中悉由宰制  
 臣等欣逢道運獲扣真乘練景學仙未悟超  
 騰之具分符宣德普弘濟度之方今際官某  
 微福蒙宸祈恩丹篆幸慶成於齋福兄衣被  
 於天光激越由中勤奉事上極奏頌繁之禮  
 庸慙葵藿之忱伏願輦路風清霄衝雲欽瓊

輪明蓋翻翻齊下於玄虛翠葆珠幢縹緲均  
臨於碧落八鸞暢教九鳳騰與御紫炁以傾  
光乘飛煙而汎景巨等不勝疑候之至

請聖

三界眾真應進列聖通佈拜請諒沐光臨諸  
各整於仙班共祇迎於

帝馭

降七寶

鸞輿至止鶴駕臨軒與醮眾真如儀朝禮朝  
禮既周請陞懸席醮主上香設拜初進酒

初獻

重稱法位

具位臣某謹重誠上啓

三清上聖七御玄尊十極高真萬天上帝日  
月星宿省府曹僚地水嶽瀆城隍社令醮筵  
內外一切真靈神聞五劫開光精粹散殊於  
萬象三乘啓運網維丕冒於群靈幽冥流慧  
日之輝覆載被慈雲之蔭籠章錯落鳳象昭  
回渺渺大羅結五鎮飛玄之炁蒼蒼正色昭  
八威空洞之文為萬天萬地之根宗實一陰

一陽之主宰身佩者形神俱妙躡景凌空心  
誦者功德難勝消災禳害巍巍大梵落高  
張今醮官某澄質丹誠殷勤素款念客塵風  
動易飄欲海之波瀾而妄業煙迷每混愛河  
之濁浪障心天於六鑿彫性地於三彭周遭

荆棘之蒙心倏忽桑榆之倒景或祖玄輪對  
悽悽冥漠之鄉或冤愆沉寤寂寂幽陰之域  
勾連注訟結習凶災致四魔凌犯於家庭而  
五賊網羅於運限非由帝力為保生根爰啟  
命於紫虛膚馳神於丹陛聿嚴衛宇肅啓齋

盟運燈煥爛於十方蘭篆氤氳於三界和鑿  
在御振鸞光庭荷洪造之鑿觀告成有喜感  
玄恩而覆蔭錫羨充私福鬱勃以雲升誠皈  
依而月皎恭陳清醮仰蒼洪庥爰有詞文謹  
當宣奏

宣詞

詞文控露天聽高明千真交會於風雲萬聖  
涵濡於雨露茅茨不剪借敷萬一之忱恭稷  
非馨輒控再三之欲願控悃悃申衍蒼蒼不  
在大不在小之慈仁風掃蕩無私覆無私載

之造化雨周流庶昭帝德之好生式慰民情  
之遷善巨與醮官頓首虔恭酒陳亞獻

亞獻

具位臣某謹重誠上啓  
三清上聖七御玄尊十極高真萬天上帝日  
月星宿省府曹僚地水嶽瀆城隍社令醮筵  
內外一切真靈神聞五劫開光精粹散殊於  
萬象三乘啓運網維丕冒於群靈幽冥流慧  
日之輝覆載被慈雲之蔭籠章錯落鳳象昭  
回渺渺大羅結五鎮飛玄之炁蒼蒼正色昭  
八威空洞之文為萬天萬地之根宗實一陰

真而拔錄帝恩曠蕩天澤敷羅凡精作善之  
忱端殊降祥之應今醮官某沐浴五體齊戒  
一心覲皇極錫福之休徵蒼昊流恩之賜夙  
宵注想奉玉幣以投誠明發精思冀金縉而  
皈命願符善應式副虔祈恩詔風行削北鄰  
之死籍德音雷動紀南極之生名激瓊液以  
長春飲玄津而不老千寃解悟萬臯清平春  
屬雍熙鎖壺中之日月身心泰定絕戶外之  
風波倉箱鏡穀粟之豐醴畝茂桑麻之富身  
命運限迎景耀以舒光華李飛流欽感芒而

息焰千靈翊衛萬聖扶持宗祖超凌垂裕益  
昌於世澤兒孫莫衍流芳永振於家聲五福  
俱全百祥攸萃臣等承顏八陛綴武千官勲  
行未充奏對冒揚於咫尺威儀莫備憲章恐  
瀆於毫釐重祈曠蕩之仁允賴汪洋之惠上

願河清海晏地闡天開皇圖遂三五之基  
聖壽等億千之運金輝紀瑞玉燭宣和偃烽  
華於九圍混車書於十極三塗滯識脫罪網  
而徑上福堂玉道合靈離業機而頓升樂界  
蒙如丹禱悉荷玄麻臣與醮官望闕謝恩酒  
陳終獻

諷經 宣都疏  
重稱法位

具位臣謹重誠上啓  
三清上聖十極高真三界萬靈醮遊真宰臣  
聞企虎關九重之邃莫與階升瞻獅座五大  
之懸遙承陸奏饗帝昭宣於禴祭額天水被  
於宸恩雖戴德之情深願修辭之語淺以今  
千枝光冷百和煙殘銀潢影射於青冥玉磬  
聲沉於碧漢紅塵雜運莫挽霓旌紫霧籠葱

諒旋綠輦朱鳳啓迴天之駕玄龍翼返景之  
輿萬帝隱真諸天復位旁及十華之真聖俯  
羅六合之靈仙各攝威儀悉還主宰臣等神  
馳法從心想靈光惟攀戀以無由徒瞻依之  
深切臣等與齋官衆等無任瞻望雲霄激切  
攀戀歸依之至再拜奉送

舉存神燒香  
高功復爐

香官使者左右龍虎君侍香諸靈官當令臣  
向來設醮之所自然生金液丹碧芝英百靈  
衆真交會在此香火爐前當願臣學道得道  
求仙待仙齋官蒙福顯沾恩十方仙童玉  
女接待蘭煙臣向來所啓速達徑御  
至真無極大道

三清上聖

昊天玉皇上帝御前

靈寶領教濟度金書卷之一百八十三

靈寶領教濟度金書卷之一百八十四

洞微高士開光教善真人書令具校  
靈寶通玄私教水南先生林靈真編

科儀五成品自然齊用

自然一時行道儀

燒香頌

名禮師存念如法

宣衛靈呪

五星列照煥明五方水星却災木德致昌  
榮感消禍太白辟兵鎮星四攝家國利牙  
名刊玉簡字錄帝房乘馳散景飛騰太空  
出入冥無遊宴十方五雲浮蓋招神攝風  
役使萬靈上衛仙翁與道合真

鳴法鼓二十四通

無上三天玄元始三炁太上道君太上老君

召出臣身中三五功曹左右官使者左右捧

香驛龍騎吏侍香金童傳言散花玉女玉帝  
直符直日香官合三十六人出出者嚴裝顯  
服冠帶垂纓關啓玄壇土地方域神真臣今  
陞壇行道謹奏為入意其諸忱悃具載誠瞻